

Hieracium (*variegatum*) caule subnudo ramoso villoso, foliis radicalibus oblongo-spathulatis dentatis, caulinis raris parvis sinuato-pinnatifidis, calyce eleganter variegato. *Lamark. encycl. 2. p. 359.**

Buntkelchiges Pfaffenröhrlein. W.

Habitat in Monte Video.

Folia radicalia tripollicaria pollicem fere lata oblongo-spathulata, margine et inferne ad venas villosa. Caulis 6-f. 8-pollicaris striatus ramosus subnudus basi villosus, ramis unifloris. In quolibet ramo est folium parvum sessile pinnatifidum vel profunde dentatum. Squamae nonnullae lineari-subulatae sparsae infra calycem. Flores magni flavi. Calyx imbricatus, squamis oblongo-spathulatis disco et apice nudis fuscis, margine albis tomentosus. Pappus sessilis, ut videtur plumosus. *Lamarek l. c.*

* 17. APARGIA hieracioides. W.

A. caule ramoso hirta, foliis oblongo-lanceolatis dentatis hirtis, pilis furcatis. W.

Habichtskrautartiges Pfaffenröhrlein. W.

Habitat in Galatia. (v. f.)

Planta facie Hieracii murorum. Caulis erectus apice ramosus hirtus. Folia sessilia sesquipollicaria oblongo-lanceolata dentata hirta. Pedunculi squamosi hirti. Pappus sessilis plumosus. Receptaculum nudum. W.

1409. T H R I N C I A.

Roth. catalect. bot. 1. p. 97.

Recept. favosum. Pappus difformis; marginalis membrana multifida; centralis stipitatus plumosus. Cal. octangularis octophyllus.

I. THRINCIA hirta.

T. scapo unifloro, calyce glabriusculo basi squamulis aucto, foliis lanceolatis sinuato-dentatis, pilis simplicibus. W.

T. (*hirta*) radice fasciculata perenni, calycibus basi subimbricatis, seminum pappo substipitato. *Roth. catalect. bot. 1. p. 98.*